



INATSISARTUT

Aningaasaqarnermut Naalakkersuisoq

Ulloq: 25. februar 2019
J.nr.: 01.31.06/19-00832

Aningaasaqarnermut Akileraartarnermullu Ataatsimiititaliap sisamangornermi ulloq 21. februar 2019-imi aalajangiussaa pillugu Naalakkersuisunut ilisimatitsissut.

Kangaatsiap atuarfiani sanaartornissamut suliniutip nuunneqarneranut konto pingaarnermiit 84.40.10 Kommunini atuarfiit-miit suliassap normuanut nr. 090.50.143-mut missingersuutitut sunnuteqanngitsumik nuussineq - Suliaq nr. 01.31.06/19 – 00832.

”Naalakkersuisut **inassutigaa**,

- una** konto pingaarnermi 84.40.10 Kommunini atuarfiit, suliassap normua 996.50.132, Atuarfiit assigiinngitsut, nutaat nutartikkallumi aningaasaliissutit 13,95 mio. kr.-inik ikilisinneqassasut, aamma
- una** konto pingaarnermi 84.40.10 Kommunini atuarfiit, suliassap normua 090.50.143 Kangaatsiap atuarfiami aningaasaliissutit 2019-imi 13,95 mio. kr.-inik ilaneqassasut.
- una** Ilinniartitaanermit, Kultureqarnermut Ilageeqarnermullu Naalakkersuisoqarfik tunniussinermit uppernarsaatilik bilag 2-miittunik atsiornissaminut pisinnaatinneqassasoq.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Suliassaq una ataatsimiititaliap pingasunngornermi ulloq 23. januar ataatsimiinnermini oqaluuseraa. Qinnuteqaatip isummerfiginissaa Aningaasaqarnermut Akileraartarnermullu Ataatsimiititaliap kinguartippaa Naalakkersuisunullu apeqqutinik nassiussilluni. Tamatuma kingorna Naalakkersuisut akissuteqarnissaat ataatsimiititaliamit utaqquimanearpoq. Ataatsimiititaliap apeqqutaanut Naalakkersuisut akissutaat ataatsimiititaliamit qujassutigineqarput, ataatsimiititaliarlu allanik oqaaseqaatissaqaranilu apeqqutissaqanngilaq.

Ataatsimiititaliami ikinnerussuteqartut Inuit Ataqtiginniarsut suliaq pillugu oqaaseqaataat:

Kangaatsiami atuarfimmu aningaasaliissutit matumani pineqartut akerlerinngilagut. Uggornartutulli oqaatigissavarput Kangaatsiami atuarfissap nutaap tamakkiisumik nunatta karsianiit aningaasalerneqarnissaannik siunertaq massakkut naalakkersuisooqatigiit suleqataasalu ilungersuullugu periarfissarsiuutinngimmassuk.

Meeqqat atuarfii pillugit akisussaaffik suli Namminersorlutik Oqartussani inissisimagallarmalli nunatta karsiata tamakkiisumik aningaasaliinissaa isumaqtigiissutaareersoq malinniarneqanngimmat Inuit Ataqtigiinniit uggornartutut isigaarput. Suliassamut taamak annertutigisumut aningaasarpassuarnillu naleqartumut kommunit ataasiakkaat akissaalatsinerat ilisimagatsigu qisuariaateqarpugut.

Kommuninut aningaasat nuunneqartut atuarfinnik nutaanik pilersitsinissamut naammangillat, aningaasat aalajangersimasumik annertussusilikkat kommuninullu tallimanut agguanneqartussat atuarfiliassanut nutaanut matussusiisinnaanngimmata atuarfigissaanissamut kinguarsaataannanngussanngippata isumaqatiginninniarnertit nutaat aallartinneqarnissaat Inuit Ataqatigiit suli ujartorpaat.

Akisussaaffiit sumi inissisimanagerat tunngavigalugu meeqqat atuarfimminni atugaasa ajorsiaruinnarnissaat ernumagaarput. Siunnersuutigaarpullu siullertut Kangaatsiap atuarfiata oqoqarnera aserfallassimanageralu aaqkikkallaannakkamik suliarinagu nutaanik sanasoqassasoq, tamannalu nunatta karsiata akilissagaa anguniarsimagaluarlutigu. Amerlanersussuteqartut kissaaterput akuerinngimmassuk massakut aningaasaliissutit akerlilersunngilagut, naak atuarfik nutaaq sananeqassasoq kissaatitta annersarigaluaraat.

Aningaasaqarnermut Akileraartarnermullu Ataatsimiititaliap aalajangiinera
Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarpoq.**

Inussiarnersumik



Hermann Berthelsen

Aningaasaqarnermut Akileraartarnermullu Ataatsimiititaliamut Siulittaasoq